

Na osnovu odredaba Zakona o visokom obrazovanju, prečišćeni tekst („Službene novine Kantona Sarajevo“, broj: 42/13), odredaba Statuta Univerziteta u Sarajevu od 28. 06. 2013. godine, te u skladu sa Odlukom Senata Univerziteta u Sarajevu o davanju saglasnosti na raspisivanje konkursa za izbor u akademska zvanja broj: 01-38-3351/14 od 24. 09. 2014. godine, Veterinarski fakultet Univerziteta u Sarajevu raspisuje

K O N K U R S

za izbor u akademska zvanja

1. Oblast *temeljne nauke veterinarske medicine* (predmeti: *Anatomija domaćih životinja I* i *Anatomija domaćih životinja II*), 1 izvršilac – nastavnik u svim zvanjima, puno radno vrijeme
2. Oblast *kliničke nauke veterinarske medicine* (predmeti: *Patološka fiziologija domaćih životinja I* i *Patološka fiziologija domaćih životinja II*), 1 izvršilac – nastavnik u svim zvanjima, puno radno vrijeme
3. Oblast *kliničke nauke veterinarske medicine* (izborni predmet: *Farmakognozija*), 1 izvršilac – nastavnik u svim zvanjima
4. Oblast *preventivne mjere u animalnoj proizvodnji* (izborni predmet: *Akvaristika*), 1 izvršilac – nastavnik u svim zvanjima
5. Oblast *temeljne nauke veterinarske medicine* (izborni predmet: *Morfofiziologija domaće peradi*), 1 izvršilac – nastavnik u svim zvanjima

Izbor akademskog osoblja u nastavno-naučno zvanje za izborne predmete vrši se za broj sati nastave utvrđen Nastavnim planom i programom.

Kandidati trebaju ispunjavati uvjete iz člana 89. Zakona o visokom obrazovanju, prečišćeni tekst („Službene novine Kantona Sarajevo“, broj: 42/13) i člana 156. Statuta Univerziteta u Sarajevu.

Uvjeti za izbor:

- a) docent: naučni stepen doktora u datoj oblasti, najmanje tri naučna rada objavljena u priznatim publikacijama, pokazane nastavničke sposobnosti;
- b) vanredni profesor: proveden najmanje jedan izborni period u zvanju docenta, najmanje pet naučnih radova objavljenih u priznatim publikacijama, objavljena knjiga i originalni stručni uspjeh kao što je projekt, patent ili originalni metod, sve nakon

izbora u zvanje docenta, te mentorstvo najmanje jednom kandidatu za stepen drugog ciklusa studija;

- c) redovni profesor: proveden najmanje jedan izborni period u zvanju vanrednog profesora, najmanje dvije objavljene knjige, najmanje osam naučnih radova objavljenih u priznatim publikacijama, sve nakon stjecanja zvanja vanrednog profesora, te mentorstvo najmanje jednom kandidatu za stepen drugog i trećeg ciklusa studija.

Uz prijavu, kandidati trebaju priložiti dokaze o ispunjavanju uvjeta za izbor u odgovarajuće zvanje, kako slijedi:

1. biografiju (CV) i spisak objavljenih naučnih radova,
2. ovjerenu kopiju diplome ili drugog dokumenta o stečenom naučnom stepenu doktora veterinarskih nauka ili druge odgovarajuće oblasti,
3. listu objavljenih knjiga, udžbenika i naučnih radova kao i same radove,
4. objavljene knjige nakon posljednjeg izbora,
5. kandidati za izbor u zvanje vanrednog ili redovnog profesora prilažu potvrdu o provedenom najmanje jednom izbornom periodu u prethodnom zvanju, odnosno potvrdu da su proveli u nastavi najmanje tri godine nakon posljednjeg izbora ukoliko su ispunili uvjete za izbor u više zvanje prije isteka perioda na koji su birani,
6. kandidati za izbor u zvanje vanrednog ili redovnog profesora prilažu potvrdu o mentorstvu kandidatu drugog i trećeg ciklusa studija, odnosno kandidatu za stjecanje naučnog stepena magistra i doktora nauka (ili tri dodatna naučna rada objavljena u priznatim publikacijama u slučaju da kandidat pri izboru u zvanja iz objektivnih razloga, utvrđenih u članu 159. Statuta Univerziteta u Sarajevu, nije mogao ispuniti uvjet mentorstva za drugi odnosno treći ciklus studija u skladu sa članom 107. stav (2) Zakona o visokom obrazovanju, prečišćeni tekst („Službene novine Kantona Sarajevo“, broj: 42/13),
7. dokaz o minimumu pedagoškog obrazovanja ako se kandidat prvi put bira u nastavno-naučno zvanje docenta,
8. dokaz o znanju jednog svjetskog jezika (original ili ovjerena kopija),
9. uvjerenje o državljanstvu (ne starije od šest mjeseci),
10. CIPS-ovo uvjerenje o prebivalištu (ne starije od šest mjeseci),
11. uvjerenje da se protiv kandidata ne vodi krivični postupak (ne starije od šest mjeseci),
12. izvod iz matične knjige rođenih (ne stariji od šest mjeseci),
13. ostalu dokumentaciju kojom kandidat dokazuje da ispunjava uvjete za izbor u zvanje docenta, vanrednog ili redovnog profesora u skladu sa članom 89. Zakona o visokom obrazovanju, prečišćeni tekst („Službene novine Kantona Sarajevo“, broj: 42/13).

Kandidat koji se prijavljuje na Konkurs za izbor u akademsko zvanje je obavezan u svojoj prijavi naznačiti jedno od akademskih zvanja za koje se prijavljuje. U suprotnom, takva prijava će se smatrati neurednom i neće biti razmatrana.

Sa izabranim kandidatom zaključit će se ugovor o radu sa punim radnim vremenom na period na koji je izabran u skladu sa članom 88. stav (4) Zakona o visokom obrazovanju, prečišćeni tekst („Službene novine Kantona Sarajevo“, broj: 42/13).

Dokumenti se dostavljaju u originalu ili ovjerenoj kopiji.

Konkurs ostaje otvoren 15 dana počev od narednog dana od dana objavljivanja.

Nepotpune i neblagovremene prijave neće se uzimati u razmatranje.

Prijave sa dokazima o ispunjavanju uvjeta predviđenih Konkursom treba dostaviti neposredno ili putem pošte na adresu: Veterinarski fakultet u Sarajevu, Zmaja od Bosne 90, 71000 Sarajevo.

Dodatne informacije mogu se dobiti na br. telefona 033/655-922 (lokal 104).